

NTIVISO WO HOXEKA WA CHUKELA, MALAPI NA MATHAYERE

Tshwane, 26 Mudyaxihi 2022 – Yuniti ya Vuxavisi lebyi nga riki Enawini (ITU) ya Vukorhokeri bya Xibalo bya Afrika-Dzonga (SARS) eDurban yi siverile mutundzi wa tikhontheyina ta 20 ta chukela leti a ti tivisiwile tani hikuva ti ri na rhayisi, leyi nga hakeriki muxakaxibalo.

Hambiswiritano, endzhaku ka ntiyisiso na nkambelo wa tikhontheyina leti boxiweke ku kumekile leswaku tinhundzu ti tivisiwile hi ndlela yo hoxeka ku kota ku baleka ku hakela mixakaxibalo ya Khasitomo ya chukele.

Eka mhangu ya vumbirhi, ITU eDurban yi khomile tikhontheyina ta ntlhanu leti a ti tundziwa hi khamphani yo tiveka ya mathayere. Ku ehleketeleriwa leswaku mutundzi u tivisile hi ndlela yo hoxeka tinhundzu ku kota ku papalata ku hakela mixakaxibalo leyi lulameke ya Khasitomo no landzelela swilaveko swa mpfumelelo swa International Trade Administration Council (ITAC).

Hi ku ya hi ntiviso wa Khasitomo, tikhontheyina ti tlawahatiwile tanihi tirhimi na mathayere, leswi nga kokeki rinoko ra mixakaxibalo yin'wana na yin'wana. Nkambelo wu endliwile edipoto leyi nga layisensiwa naswona tikhontheyina ti kumekile ku va ti ri na mathayere lama kokaka rinoko ra muxakaxibalo wa 30%, levhi ya mbango naswona lama lavaka mpfumelelo wa ITAC.

Eka mhangu ya vunharhu, xipano xa ITU eGauteng xi kumile vuxokoxoko mayelana na 21 wa tikhontheyina leti tundziweke hi vatundzi vo hlava naswona leti ehleketeleriwaka ku va ti tivisiwile hi ndlela yo hoxeka tanihi tiphayiphi ta nsimbhi, fenichara, swo tlangisa swa vana na tiatikili ta pulasitiki.

21 wa tikhontheyina ti khomiwile no kamberiswa naswona ku kumekile leswaku eka 21 wa tikhontheyina teto, 3 ntsena ti tivisiwile kahle, laha 18 a ti tivisiwile hi ndlela yo hoxeka. Handle ka tiphayiphi ta nsimbhi, fenichara, swo tlangisa swa vana na tiatikili ta pulasitiki tanihileswi a swi tivisiwile hi ejente ya mbhasiso, 18 wa tikhontheyina ti kumekile ku va ti ri na mapesa ya malapi, nhulu ya lapi leyi tirhisiwaka ku tumbuluxa mikumba, michini yo endla mikumba ku katsa na tinhundzuencyeto. SARS yi ta vika milandzu ya vugevenga eka mitiviso hinkwayo ya vunwa no hoxeka.

Khomixinara wa SARS Edward Kieswetter u humeserile ehandle ku khensa ka yena eka swirho swa Yuniti ya Vuxavisi lebyi nga riki Enawini eka ntirho wa vona laha va nga karhaliki. U humesile ndzemuxo wa matimba eka vaxavisi lava tinghenelerisaka eka mukhuva wa nkavulandzelelanawu, lowu fambisanaka na vugevenga. U te, "SARS yi le ku antswiseni ka vuswikoti na tshaku ra yona ku vhumbunula mukhuva wa nkavulandzelelanawu, naswona yi ta ya emahlweni yi endla swi nonoha no durha eka lava hlawuleke vugevenga. Lava nghenelelaka hi ntsakelo eka vugevenga va ta fanela ku amukela switandzhaku swa mihlawulo ya vona".

Ku kuma vuxokoxoko byo tala, u komberiswa ku tihlanganise na SARSMedia@sars.gov.za

